

瘍醫大全目錄

卷九

論辨膿法

論開口除膿法


論吸膿法

論膿熟不宜開遲

論內托法

癰疽已成門主方

論補法



論桑本炙法

論神妙拔根法

論瘡瘍去腐肉法

論死肉當去

論湯洗法

癰疽湯洗門主方

癰疽潰瘍門主方

論生肌法

論收口法

癰疽門生肌丹散膏方

論背癰頭開不住

論癰疽內肉不合法

論繃縛背瘡法

論生肌肉

論驗透膜法

論瘡疽鎖口

論將息法

論培護法

論瘡久成癭

論九漏

試知百病生死法

夏月諸瘡傷辟蠅蛆門主方

辟瘡瘍惡穢法

瘍醫大全卷九

光華堂

蕪湖顧世澄練江氏纂輯

婿錢之栢東陽

全校

男 燭燮用和

論辨膿法

李東垣曰夫瘡腫之疾毒氣已結者不可論內消之法卽當辨膿生熟淺深不可妄開視之可否不至於危殆矣凡瘡疽腫大按之乃痛者膿深也小按之便痛者膿淺也按之不甚痛者未成膿也若按之卽復者有膿也不復者無膿也非也必有水也

以手掩其上大熱者膿成而自輒也若其上薄皮
剝起者膿淺也其腫不甚熱者膿未成也

十書

經曰膿血交粘用藥可全色鮮紅活腐肉易脫氣敗
血衰神仙歎哉

齊氏曰若發腫都輒而不痛者血瘤也發腫日漸增
長而不大熱時時牽痛者氣瘤也氣結微腫久而
不消後亦成膿此是寒熱所爲也留積經久極陰
生陽寒化爲熱以此潰者必多成屢

伍氏曰瘡腫赤色按之色不變者此膿已成也按之

隨手赤色者其亦有膿也按之白色良久方赤者此遊毒已息可就赤白盡處灸斷赤腫自消凡以手按之若牢鞭未有膿也若半軟半鞭已有膿也又按腫上下不熱者爲無膿熱甚者爲有膿宜急破之

澄曰凡腫瘍按之軟陷隨手起者爲有膿按之堅硬雖按之有凹不卽隨手起者爲膿尙未成不可輕易決破

又曰凡大按乃痛者病深小按便痛者病淺按之處

陷不復者無膿按之處卽復者有膿按之不復者
可消若按之都牽强者未有膿也按之半軟者有
膿也又以手按上下不熱者無膿若熱者有膿凡
覺有膿急當破之無膿但氣腫若有血慎之慎之
不可針破也用諸拔毒之藥敷散四圍堅中間軟
者此爲有膿也一邊軟亦可有膿都堅硬者此爲
惡核或有氣也都軟者此爲有血或血瘤也當審
堅硬虛實爲要若堅疽積久後若更變熱中有軟
處當軟處切不可針破也軟疽者只溫煖裹衣置

之耳若針炙刺破不可療矣

論開口除膿法

程山齋曰凡治癰疽口小膿多則膿不出或出而不盡或薄膿可出硬膿難出以致瘀不出而新不生延綿難愈法當爛開大口俾瘀膿多出爲善其爛藥烏金散最佳瘀肉能去不傷新肉且不甚疼痛爲至妙也若有膿管以綿紙撚裹藥絰八頻換數條卽化祛耳亦有頑硬之極非烏金膏所能去者則用白降丹或化腐紫霞膏搽之然終不及烏金膏爲至穩

十法

李東垣曰天瘡瘍生於外皆由積熱蘊於內內經謂血熱肉敗榮衛不行必將爲膿留於節腠必將爲敗蓋瘡疽膿爛之時頭小未破瘡口未開或毒氣不出疼痛難忍者所以立追蝕膿之方法使毒氣外泄而不內攻惡肉易去好肉易生也若其瘡絀之血出不止者則未可絀當於瘡上搽追蝕之藥待其熱可絀方絀若其瘡絀之痛應心根者亦不可強絀之悞觸其瘡其熈痛必倍變證不無不可不慎也若瘡癰膿成未破於上薄皮剝起者卽當

用破頭代針之劑安其上以膏貼之膿出之後用
搜膿化毒之藥取效如神矣

十書

竇漢卿曰凡瘡瘍之起疼痛固屬於心火久而陽氣
升上蒸肉化而爲膿若不三思原其膿之有無遽
而開刀則鮮血突出膿從何來致患者煎寒發熱
日夜疼痛無法可止必先將指頭按患上隨手而
起四畔悉軟觀其頭聚擇尻神不犯吉日將刀頭
向上開之方不致傷新肉取出刀再撚綿紙條潤
油度之使膿水齊會午日扯出則膿水易乾外貼

膏藥四圍敷藥 全書

向主精之衣下延壽壽肉厚出八寸餘此膏藥
此膏藥熱時購其頭聚對其熱不敗吉日
日外表熱難越西土又未幾東陽縣縣士謝子
而開以開輜血突出數寸回來延想清則敷藥

論吸膿法

陳實功曰古之良醫有好生之德以口吮膿後世人漸嫌膿每多重手強擠致患者狼狽不堪或因循聽其自潰膿毒不得外發必致內攻乃生煩躁重如負石非用藥筒拔提內蓄之膿毒氣終難外泄也法預用徑口一寸二三分新鮮嫩竹一段長七寸一頭留節川刀剗去外青留內白一半約厚一分許靠節鑽一小孔以杉木條緊塞將羌活獨活紫蘇蘄艾鮮菖蒲白芷甘草各五錢連鬚葱二兩

灌入筒內筒口用葱塞之將筒橫放鍋內以物壓住勿得浮起用清水十大碗滷筒煮數滾約內藥濃熟爲度候用再用披針於瘡頂上一寸內品字放開三孔深入淺寸約在筒圈內將藥筒連湯用大磁鉢盛貯患者榻前將筒藥倒出急用筒口乘熱對瘡合上以手捺緊自然吸住約待片時藥筒已溫拔去塞孔木條其筒自脫將器倒出筒中物色看其何樣如有膿血相粘鮮明紅黃之色亦有一二杯許此是活瘡治必終愈如拔出物色純是

敗血氣穢紫黑稀水而無膿意相粘者其入氣血
內敗肌肉不活必是死瘡強治亦無功矣此法家
傳屢經有驗如陽瘡易潰易膿之症不必用此以
傷氣血此法陰瘡之用要在十五日前後堅硬不
潰不膿者行之最當此法的有回天之效醫家不

可缺也

正宗